

93 cancion a inscribi pa festival "Un canto pa Nos Himno y Bandera"

ORANJESTAD - Segun Sr. Harry Croes preparacionnan intenso pa e festival 'Un canto pa nos Himno y Bandera' a cuminsa 2 siman pasa y e resultado di esaki ta cu un total di 93 cancion a wordo inscribi den categoria pre infantil, infantil, hubenil y grandi.

Esaki a trece cambionan na ultimo momento den cual mester a organisa 3 dia di pre

festival diamars, diaranson y diahuebs. Diasabra lo tin e final di pre infantil, infantil y hubenil. Diadomingo a programa e final di e categoria grandi cu ta programa pa cuminsa 6'or di atardi. E dia aki lo tin un ceremonia cu lo sali for di Cas di Cultura cu e bandera di Aruba direccion Linear Park hunto cu drumband di Casibari. Na nan yegada lo hisa e bandera di Aruba y lo canta nos Himno

Nacional.

Asina cu e ceremonia aki a caba lo reconoce algun persona cu a resalta no solamente den cancion, pero tambe cu a dedica hopi na Pais Aruba. Entrada lo ta gratis. Lo tin 40 tent cu cuminda, bebida y souvenir. Sin duda esaki ta un gran festival cu aña tras aña ta birando mas grandi y cu ta duna bo un sentimento patriotico pa bo isla. □